

下愚官反 蜂蠍上音 峯下 砂礫下音 猶良輒
音元 侯反 戈鋒上古和反 坑坎下苦饕餮上
音鐵下起 雄傑下渠 列反 百狐下音

佛說長阿含經卷第七

深七

姚秦三藏法師佛陀耶舍共竺佛念譯

第二分弊宿經第三

爾時童女迦葉與五百比丘遊行拘薩羅國
漸詣斯婆醯婆羅門村時童女迦葉在斯婆
醯村北戶舍婆林止時有婆羅門名曰弊宿
一 義友

婆林又聞其人有大名稱已得羅漢者舊長
宿多聞廣博聰明叢智辯才應機善於談論
彼諸人等羣隊相隨欲詣迦葉共相見耳時
弊宿婆羅門即勑侍者汝速往語諸人且住
當共俱行往與相見所以者何彼人愚惑欺
誑世間說有他世言有更生言有善惡報而
實無他世亦無更生無善惡報時使者受教
已即往語彼斯婆醯村人言婆羅門語汝等
且住當共俱詣往與相見村人答言善哉善
哉若能來者當共俱行使還尋白彼人已住
可行者行時婆羅門即下高樓勑侍者嚴駕
與彼村人前後圍遶詣戶舍婆林到已下車

步進詣迦葉所問訊訖一面坐其彼村人婆羅門居士有礼拜迦葉然後坐者有問訊已而坐者有自稱名已而坐者又有叉手已而坐者有默而坐者時蔽宿婆羅門語童女迦葉言今我欲有所問寧有閑暇見聽許不迦葉報言隨汝所問聞已當知婆羅門言今我論者無有他世亦無更生無罪福報汝論云何迦葉答曰我今問汝隨汝意答今上日月爲此世耶爲他世耶爲人爲天耶婆羅門答曰日月是他世非此世也是天非人也迦葉答曰以此可知必有他世亦有更生有善惡報婆羅門言汝雖云有他世有更生及善惡

二
董深七

報如我意者皆悉無有迦葉問曰頗有因緣可知無有他世無有更生無善惡報耶婆羅門答曰有緣迦葉問曰以何因緣言無他世婆羅門言迦葉我有親族知識遇患困病我往問言諸沙門婆羅門各懷異見言諸有殺生盜竊邪姪兩舌惡口妄言綺語慳貪嫉妬

邪見者身壞命終皆入地獄我初不信所以然者初未曾見死已來還說所墮處若有人來說所墮處我必信受汝今是我所親十惡亦備若如沙門語者汝死必入大地獄中今我相信從汝取定若審有地獄者汝當還來語我使知然後當信迦葉彼命終已至今不來彼是我親不應欺我許而不來必無後世迦葉報曰諸有智者以譬喻得解今當爲汝引喻解之譬如盜賊常懷姦詐犯王禁法伺察所得將詣王所白言此人爲賊願王治之王即勑左右收繫其人遍令街巷然後載之出城付刑人者時左右人即時將彼賊付刑人者彼賊以柔軟言語守衛者汝可放我見諸親里言語辭別然後當還云何婆羅門彼守衛者寧肯放不婆羅門答曰不可迦葉又言彼同人類俱存現世而猶不放況汝所親十惡備足身死命終必入地獄獄鬼無慈又非人類死生異世彼若以軟言求於獄鬼汝

三
深七

暫放我還到世間見親族言語辭別然後當還寧得放不婆羅門答曰不可迦葉又言以此相方自足可知何爲守迷自生邪見耶婆羅門言汝雖引喻謂有他世我猶言無迦葉復言汝頗更有餘緣可知無他世耶婆羅門報言我更有餘緣知無他世迦葉問曰以何緣知答曰迦葉我有親族遇患篤重我往語言諸沙門婆羅門各懷異見說有他世言不殺不盜不婬不欺不兩舌惡口妄言綺語貪取嫉妒邪見者身壞命終皆生天上我初不信所以然者初未曽見死已來還說所墮處若有人來說所墮生我必信耳今汝是我所親十善亦備若如沙門語者汝今命終必生天上今我相信從汝取定若審有天報者汝當必來語我使知然後當信迦葉彼命終已至今不來彼是我親不應欺我許而不來必無他世

迦葉又言諸有智者以譬喻得解我今當復

爲汝說喻譬如有人墮於深廁身首沒溺王勑左右挽出此人以竹爲箋三刮其身濕豆淨灰次如洗之後以香湯沐浴其體細末衆香坌其身上勑除髮師淨其鬚髮又勑左右重將洗沐如是至三洗以香湯坌以香末名衣上服莊嚴其身百味甘饍以恣其口將詣高堂五欲娛樂其人後能還入廁不答言不能此處臭惡何可還入迦葉言諸天亦爾此閻浮利地臭穢不淨諸天在上去此百由旬遙聞人臭甚於廁溷婆羅門汝親族知識十善具足然必生天五欲自娛快樂無極寧當復肯還來入此閻浮利不答曰不也迦葉入言以此相方自足可知何爲守迷自生邪見婆羅門言汝雖引喻謂有他世我猶言無迦葉復言汝頗更有餘緣可知無他世耶婆羅門報言我更有餘緣知無他世迦葉問曰以何緣知答曰迦葉我有親族遇患篤重我往語言沙門婆羅門各懷異見說有後世言不

深七

四

有

殺不盜不姦不欺不飲酒者身壞命終皆生
忉利天上我亦不信所以然者初未曾見死
已來還說所墮處若有人來說所墮生我必
信耳今汝是我所親五戒具足身壞命終必
生忉利天上令我相信從汝取定若審有天
福者汝當還來語我使知然後當信迦葉彼
命終已至今不來彼是我親不應有欺許而
不來必無他世迦葉答言此間百歲正當忉
利天上一日一夜耳如是亦三十日爲一月
十二月爲一歲如是彼天壽千歲云何婆羅
門汝親族五戒具足身壞命終必生忉利天
上彼生天已作是念言我初生此當二三日
中娛樂遊戲然後來下報汝言者寧得見不
答曰不也我死久矣何由相見婆羅門言我不
信也誰來告汝有忉利天壽命如是迦葉
言諸有智者以譬喻得解我今更當爲汝引
喻譬如有人從生而盲不識五色青黃赤白
鹿細長短亦不見日月星象丘陵溝壑有人

問言青黃赤白五色云何盲人答曰無有三
色如是鹿細長短日月星象山陵溝壑皆言
無有云何婆羅門彼盲人言是正答不答曰
不也所以者何世間現有五色青黃赤白鹿
細長短日月星象山陵溝壑而彼言無婆羅
門汝亦如是忉利天壽實有不虛汝自不見
深七

五

便言其無婆羅門言汝雖言有我猶不信
迦葉又言汝復作何緣而知其無答曰迦葉
我所封村人有作賊者伺察所得將詣我所
語我言此人爲賊唯願治之我答言收縛此
人著大釜中圍蓋厚泥使其牢密勿令得泄
遣人圍遶以火煮之我時欲觀知其精神所
出之處將諸侍從繞釜而觀都不見其神去
來處又發釜看亦不見神有往來處以此緣
故知無他世

迦葉又言我今問汝若能答者隨意報之婆
羅門汝在高樓寢息臥時頗曾夢見山林江
河園觀浴池國邑街巷不答曰夢見又問婆

羅門汝當夢時居家眷屬侍衛汝不答曰侍衛又問婆羅門汝諸眷屬見汝識神有出入不答曰不見迦葉又言汝今生存識神出入尚不可見況於死者乎汝不可以目前現事觀於衆生婆羅門有比丘初夜後夜捐除睡眠精勤不懈專念道品以三昧力淨修天眼

以天眼力觀於衆生死此生彼從彼生此壽命長短顏色好醜隨行受報善惡之趣皆悉知見汝不可以穢濁肉眼不能徹見衆生所趣便言無也婆羅門以此可知必有他世婆羅門言汝雖引喻說有他世如我所見猶無有也迦葉又言汝頗更有因緣知無他世耶婆羅門言有迦葉言以何緣知婆羅門言我所封村人有作賊者伺察所得將詣我所語我言此人爲賊唯願治之我勑左右收縛此人生剥其皮求其識神而都不見又勑左右截彎割其肉以求識神又復不見又勑左右截其筋脉骨間求神又復不見又勑左右打骨

出髓髓中求神又復不見迦葉我以此緣知無他世迦葉復言諸有智者以譬喻得解我今復當爲汝引喻乃往過去久遠世時有一國壞荒毀未復時有賈賈五百乘車經過其土有一梵志奉事火神常止一林時諸賈人皆往投宿清旦別去時事火梵志作是念言

深七

六

有

向諸賈人宿此林中今者以去儻有遺漏可試往看尋詣彼所都無所見唯有小小兒始年一歲獨在彼坐梵志復念我今何忍見此小兒於我前死今者寧可將此小兒至吾所止養活之耶即抱小兒往所住處而養育之其兒轉大至十餘歲時此梵志以少因緣欲遊人間語小兒曰我有少緣欲暫出行汝善守護此火慎勿使滅若火滅者當以鑽鑽不取火然之具戒勑已出林遊行梵志去後小兒貪戲不數視火火遂便滅小兒戲還見火已滅懊惱而言我所爲非我父去時具約勑我守護此火慎勿令滅而我貪戲致使火滅

當如之何時彼小兒吹灰求火不能得已便以斧劈薪求火復不能得又復斬薪置於臼中搗以求火又不能得爾時梵志於人間還詣彼林所問小兒曰吾先勑汝使守護火火不滅耶小兒對曰我向出戲不時護視火今已滅復問小兒汝以何方便更求火耶小兒報曰火出於木我以斧破木求火不得復斬之令碎置於臼中杵搗求火復不能得時彼梵志以鑽木出火積薪而然告小兒曰夫欲求火法應如此不應破薪杵碎而求婆羅門汝亦如是無有方便剝死人而求識神汝不可以自前現事觀於衆生婆羅門有比

深七
大有

丘初夜後夜捐除睡眠精勤不懈專念道品以三昧力修淨天眼以天眼力觀於衆生死此生彼從彼生此壽命長短顏色好醜隨行受報善惡之趣皆悉知見汝不可以穢濁肉眼不能徹見衆生所趣便言無也婆羅門以此可知必有他世婆羅門言汝雖引喻說有

他世如我所見猶無有也迦葉復言汝頗更有因緣知無他世耶婆羅門言有迦葉言以何因緣知婆羅門言我所封村人有作賊者伺察所得將詣我所語我言此人爲賊唯願治之我勑左右汝將此人以秤稱之侍者受命即以秤稱又告侍者汝將此人安徐殺之勿損皮肉即受我教殺之無損我復勑左右更重稱之乃重於本迦葉生神彼識神猶存顏色悅預猶能言語其身乃輕死已重稱識神已滅無有顏色不能言語其身更重我以是緣知無他世迦葉語婆羅門吾今問汝隨意答我如人稱鐵先冷稱已然後熱稱何有光色柔軟而輕何無光色堅韌而重婆羅門言熱鐵有色柔軟而輕冷鐵無色剛強而重迦葉語言人亦如是生有顏色柔軟而輕死無顏色剛強而重以此可知必有他世婆羅門言汝雖引喻說有他世如我所見必無有也迦葉言汝復有何緣知無他世婆羅門答

言我有親族遇患篤重時我到彼語言扶此病人令右脅臥視瞻屈伸言語如常又使左臥反覆宛轉屈伸視瞻言語如常尋即命終吾復使人扶轉左卧右卧反覆諦觀不復屈伸視瞻言語吾以是知必無他世迦葉復言諸有智者以譬喻得解今當為汝引喻昔有一國不聞貝聲時有一人善能吹貝往到彼國入一村中執貝三吹然後置地時村人男女聞聲驚動皆就往問此是何聲哀和清徹乃如是耶彼人指貝曰此物聲也時彼村人以手觸貝曰汝可作聲汝可作聲貝都不鳴其主即取貝三吹置地時村人言向者美聲

深七

八

育

迦葉復言諸有智者以譬喻得解我今當更為汝引喻乃往久遠有一國土其土邊墻人民荒壞彼國有二人一智一愚自相謂曰我是汝親共汝出城採穀求財即尋相隨詣一空聚見地有麻即語愚者共取持歸時彼二人各取一擔復過前村見有麻縷其一智者言麻縷成功輕細可取具一人言我已取麻繫縛牢固不能捨也其一智者即取麻縷重而還去復共前進見有麻布其一智者言麻布成功輕細可取彼一人言我已取麻繫縛牢固不能復捨其一智者即捨麻縷取布自重復共前行見有劫貝其一智者言劫貝價貴輕細可取彼一人言我已取麻繫縛牢固齊來道遠不能捨也時一智者即捨麻布而取劫貝如是前行見劫貝縷次見白疊次見白銅次見白銀次見黃金其一智者言若無金者當取白銀若無白銀當取白銅乃至麻縷若無麻縷當取麻耳今者此村大有黃金

深七

九

亥

衆寶之上汝宜捨麻我當捨銀共取黃金自重而歸彼一人言我取此麻繫縛牢固齋來道遠不能捨也汝欲取者自隨汝意其一智者捨銀取金重擔而歸其家親族遙見彼人大得金寶歡喜奉迎時得金者見親族迎復大歡喜其無智人負麻而歸居家親族見之不悅亦不起迎其負麻者倍增憂惱婆羅門汝今宜捨惡習邪見勿爲長夜自增苦惱如負麻人執意堅固不取金寶負麻而歸空自疲勞親族不悅長夜貧窮自增憂苦也婆羅門言我終不能捨此見也所以者何我以此見多所教授多所饒益四方諸王皆聞我名亦盡知我是斷滅學者迦葉復言諸有智者以譬喻得解我今當更爲汝引喻乃往久遠有一國土其土邊壘人民荒壞時有商人有一千乘車經過其土水穀薪草不自供足時商主念言我等伴多水穀薪草不自供足今者寧可分爲二部其一分者於前發引其前發

導師言見有一人身體龐大目赤面黑泥塗其身遙見遠來即問汝從何來報言我從前村來又問彼言汝所來處多有水穀薪草不耶其人報言我所來處豐有水穀薪草無乏我於中路逢天暴雨其處多水亦豐薪草又語商主汝曹車上若有穀草盡可捐棄彼自豐有不須重車時彼商主語衆商言吾向前行見有一人目赤面黑泥塗其身我遙問言汝從何來即答我言我從前村來我尋復問汝所來處豐有水穀薪草不也答我言彼大豐耳又語言我向於中路逢天暴雨此處多水大豐薪草復語我言君等車上若有穀草盡可捐棄彼自豐有不須重車汝等宜各棄諸穀草輕車速進即如其言各共捐棄穀草輕車速進如是一日不見水草二日三日乃至七日又復不見時商人窮於曠澤爲鬼所食其後一部次復進路商主時前復見一人目赤面黑泥塗其身遙見問言汝從何來彼

人答言吾從前村來又問汝所來處豐有水
穀薪草不耶彼人答曰大豐有耳又語商人
吾於中路逢天暴雨其處多水亦豐薪草又
語商主君等車上若有穀草便可捐棄彼自
豐有不須重車時商主還語諸商人言吾向
前行見有一人道如此事君等車上若有草

穀可盡捐棄彼自豐有不須重車時商主言
汝等穀草慎勿捐棄須得新者然後當棄所
以者何新陳相接然後當得度此曠野時彼
商人重車而行如是一日不見水草二日三
日至于七日又亦不見但見前人爲鬼所食
骸骨狼藉婆羅門彼赤眼黑面者是羅刹鬼
也諸有隨汝教者長夜受苦亦當如彼前部
商人無智慧故隨導師語自沒其身婆羅門
諸有沙門婆羅門精進智慧有所言說承用
其教者則長夜獲安如彼後部商人有智慧
故得免已難婆羅門汝今寧可捨此惡見勿
爲長夜自增苦惱婆羅門言我終不能捨所

見也設有人來強諫我者生我忿耳終不捨
見迦葉又言諸有智者以譬喻得解我今當
復爲汝引喻乃昔久遠有一國土其土邊墻
人民荒壞時有一人好喜養猪詣他空村見
有乾糞尋自念言此處饒糞我猪豚飢今當
取草裹此乾糞頭戴而歸即尋取草裹糞而
董士深

戴於其中路逢天大雨糞汁流下至于足跟
衆人見已皆言狂人糞塗臭處正使天陰尚
不可戴況於雨中戴之而行其人方怒逆罵
詈言汝等自癡不知我家豚餓汝若知
者不言我癡婆羅門汝今寧可捨此惡見勿
守迷惑長夜受苦如彼癡子戴糞而行衆人
呵諫逆更瞋罵謂他無智婆羅門語迦葉言
汝等若謂行善生天死勝生者汝等則當以
刀自刎飲毒而死或五縛其身自投高岸而
今貪生不能自殺者則知死不勝生迦葉復
言諸有智者以譬喻得解我今當更爲汝引
喻昔者此斯婆醯村有一梵志者舊長宿年

百二十彼有二妻一生有子一始有娠時彼
梵志未久命終其大母子語小母言所有財
寶盡應與我汝無分也時小母言汝為小待
須我分身若生男者應有財分若生女者汝
自嫁娶當得財物彼子慇懃三索財小母
答如初其子又逼不已時彼小母即以利刀
自決其腹知為男女語婆羅門言汝今自殺
復害胎子汝婆羅門亦復如是既自殺身復
欲殺人若沙門婆羅門精勤修善戒德具足
久存世者多所饒益天人獲安吾今末後為
汝引喻當使汝知惡見之殃昔者此斯婆醯
村有二技人善於弄丸二人桶技一人得勝
時不如者語勝者言今日且停明當更共試
其不如者即歸家中取其戲丸塗以毒藥曝
之使乾明持此丸詣勝者所語言更可桶技
即前共戲先以毒丸授彼勝者勝者即吞其
不如者復授毒丸得已隨吞其毒轉行舉身
戰動時不如者以偈罵曰

吾以藥塗丸而汝吞不覺小技汝為吞
久後自當知

迦葉語婆羅門言汝今當速捨此惡見勿為
專迷自增苦毒如彼技人吞毒不覺時婆羅
門白迦葉言尊者初說月喻我時已解所以
往返不時受者欲見迦葉辯才智慧生牢固
深七

董

十二

信耳我今信受歸依迦葉迦葉報言汝勿歸
我如我所歸無上尊者汝當歸依婆羅門言
不審所歸無上尊者今為所在迦葉報言今
我師世尊滅度未久婆羅門言世尊若在不
避遠近其當親見歸依礼拜今聞迦葉言如
來滅度今即歸依滅度如來及法衆僧迦葉
聽我於正法中為優婆塞自今已後盡壽不
殺不盜不婬不欺不飲酒我今當為一切大
施迦葉語言若汝宰殺衆生撾打僮僕而為
會者此非淨福又如碗碟薄地多生荆棘於
中種植必無所獲汝若宰殺衆生撾打僮僕
而為大施施邪見衆此非淨福若汝大施不

善衆生不以杖楚加於僮僕歡喜設會施清淨衆則獲大福猶如良田隨時種植必獲果實迦葉自今已後常淨施衆僧不令斷絕時有一年少梵志名曰摩頭在弊宿後立弊宿

顧語曰吾今欲設一切大施汝當爲我經營處分時年少梵志聞此語已即爲經營爲大

施已而作是言願使弊宿今世後世不獲福報時弊宿聞彼梵志經營施已有如是言願使弊宿今出後世不獲果報即命梵志而告之曰汝審有是言耶答曰如是實有是言所必然者今所設食鹿澀弊惡以此施僧若以示王王尚不能以手暫向況當食之現在所
十二末友

設不可喜樂何由後世得淨果報王施僧衣純以麻布若以示王王尚不能以足暫向況能自著現在所施不可喜樂何由後世得淨果報時婆羅門又告梵志自今已後汝以我所食我所著衣以施衆僧時梵志即承教旨以王所食王所著衣供養衆僧時婆羅門設

此淨施身壞命終生一下劣天中梵志經營會者身壞命終生忉利天爾時弊宿婆羅門年少梵志及斯婆醯婆羅門居士等聞童女迦葉所說歡喜奉行

長阿含經卷第七

深七

弊宿上必
扶反
腋智上俞隊徒對
閑暇下音沒溺
的反挽晚音
莫反箤莫結刮均捌溝壑各呼盆蒲閼
廁圈上初使
胡困反反
剥必角
剥反縲割上力
卷反筋脉上音斤
下音委隨息委
反商
賈賣上音傷
下音古正作鑽子官
反不數下音
朔斧劈上音
下音商
柔軟下正
柔反貝博帶
採稽下音呂自
穀音
谷反狼藉上音郎
下亦反豚音
巴刎反武粉
哢弄音
蒲木反曝蒲報反有娠
殖苦下音
常反力
澀澀字